



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Justin Timberlake - Best Male Artist of the year - IFA

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600

Hmasawanna Thar Vol - 32/141

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Mi thuohmangtua intum mi 2 man; Moirang Police Station-ah sielut an nih



Station kuta peklut an ni thu a hril a. Hi thil tung le inzawm hin tukhawma tharum hmang el loa Police kuta sie ding in ngen a, Police chun hi thil tung hi an enkawl zo ngei ding thu a hril.

Hi thil tung le inzawm bawh hin zanikhan Tuailai 1434Pro le YPA GHQ thuoitu han YPA Hall, New Lamka hmuna meeting an nei a, hi huna hin mipui tam tak an thang a, hmatienga hmalak pei dang ding inrawntlangna an nei.

Hi thil tung hi Evangelical Baptist Convention (EBC) le SSPP GHQ bakah pawl dang dang han an dem thu an puong tawl.

Ei thu dawngnain a hril danin Thangmuansang le Thangsuansung hai hi March 5, 2017, zan dar 8:30 vela kha hmehlietlo hmaituom iemanizat han an chengna in haia inthawk an va thuoisuok an ni a, hi thil tung an hriet le inruol-in mipuiin an hnawtzui ng-hal a, Lingsipahi khuoa an va hmu a ni a, sienkhawm an lo sawisak nasa hle a, an kerai le mal hai duk cher churin an lo vuok hliem a nih.

SSPP GHQ chun zanikhan inhrietira siemin, Thangsuansung le Thang-khanlu hai chu SSPP constitution dungzuiin SSPP GHQ Executive member an nina le pawl dang dang SSPP palai an nina haia inthawk March 6, 2017 a inthawk khan an hlip pek.

Congress le BJP han hrat an inring ve ve; BJP in an CM ding March 12 ah an puonglang ding



IMPHAL: Congress Party le BJP chun zanikhan 11th Manipur Legislative Assembly Election, 2017 a hin hrat an inring ve ve thu zanikhan an hrillang. Manipur pradesh Congress Committee (MPCC) President T.N. Haokip in zanita Congress Bhavan, Imphal-a Chanchinbumihai an hmupui huna hieng thuhai hi a hril: BJP in hmasawna sin an thaw nia an hril hai hi UPA sawrkarin a lo

induog tasa a ni a, BJP in a hmung thlakthlengna sin an hung tan a nih. BJP chun mipui ta ding in hasatna chi hrin hrin an intlun a, chuhal lai chun demonetisation policy le economic blockade hai a thangsua. Kum 15 liemta sung sung khan Congress sawrkar chun hun harsa, hun lawmum hai a tuok a, chuonghai po po chu State hmasawna ding in a tuor a, a thaw a nih. BJP chun



hnambing le inthedarna ding in thil a thaw hlak. PM chun, BJP Manipur-ah an hung sawrkar leh ni 3 sung in Economic Blockade hlip ning a tih tiin a hril a. Chuong a ni chun BJP le UNC han inza-wmna an nei tina hung ning a tih. Maniupr a vote thlakna ta poah chun Congress party ngirhmun a tha a, Congress party chun hratna changin sawrkar an hugn chel nawk ngei ka

beisei tiin a hril. Assam Finance Minister le NEDA Convenor, Hemanta Biswa Sarma chun zanikhan BJP Office, Nityapat Chuthek, Imphal-ah Chanchinbumihai an hmupui a, hieng thuhai hi a hril: 11th Manipur Legislative Assembly Election, 2017 ah hin BJP chun hrat filawna changin sawrkar thar hung siem an tih. BJP le NPF han inzawmna a nei naw

CCPUR: March 5, 2017 zana Lamzang khuoa Mr Thangmuansang (26), s/o Chingpam le Thangsuansung (18), s/o Niangkho-hochiin hai thuohmanga nasa taka sawisakhliemtu hai laia mi pahni- Thang-suanlal (31), s/o (L) Gouk-holian of Elim Veng le Thangkhanlun Samte (32), s/o Lalzahau of Beulahlane hai chu zanikhan man an ni a, Moirang Police Station- a peklut an nih.

ruok chu nundan pangngai a buoi nawh.

Hi insawisakna thil tung le inzawm hin zanikhan mipui punghawmin an chengna in hai suksiet an tum a, sienkhawm Tuailai 1434Pro le YPA GHQ thuoitu han mipui lungse-na punghawm hai chu an dang thei hram niin ei thu dawngna chun a hril.

Hiengnganga boruok sosang le hi thil tunga inrawlna neia intum mi 2 man an ni le inzawm hin zanikhan Mr Rakesh Balwal, SP, CCPur chun a office-ah tuolsung chanchinbu reporters hai a ko khawm a, mi pahni hai hi zani sun dar 12:30 vel a Khawmawi area a man an ni thu le Moirang Police

CHANCHIN LAKTAWI

Scrutiny nei

CCPUR: 11 Manipur Legislative Assembly Election March 4, 2017 nia nei huna 55-Tipaimukh A/C le 56-Thanlon A/C haia Election huna document hai le complaint um hai zanikhan enfel a nih. Hi thu ei sut chena hin Re-poll neina ding hmun hai official-a puonglang a la ni nawh.

ZRA/ZRO in Press statement an insuo

CCPUR: March 5, 2017 zan dar 8:00PM vela tu ti hrietlo han Thangmuansang le Thangsuansung hai an In haia inthawk thuoisuoka an sawisakna thuah zanikhan Ministry of Information & Public Relations, Zomi Re-Univication Organisation chun thuok siemin, hi thil tung pawin an ti thu an zieklang a, ZRO/ZRA hmung hmanga hieng-ganga thil thawtu hai chu a enliem mei meinaw ding thu; ZRA/ZRO sukhming-sie zawnga che hai chu tha taka an suizui ding thu, sukchiengna a um chun an chunga na taka action lak a ni ding thu; Hi thil tung hi Election le inzawm a ni leiin an zawmpui party han anni kara inbiekremna neia sukfel ding in ngen.

GAS NEWS

Agency : KIM JOE
Booking : 2nd. Dec., 2016 to 2nd. JAN., 2017
Delivery : 07-03-2017 (TUE)
Time : 8AM-till stock
STOCK : 306
New Rate Rs. 901
19 kg. available
Agency: SAS
Booking: 14th. Nov., 2016 to 14th. DEC., 2016
Delivery : 07-03-2017 (TUE)
Time : 8AM- till stock
STOCK : 290
Rate: Rs. 901

Cr.P.C 144 puong a nih

CCPUR: Zani zantieng dar 4 a inthawk khan thu thar um nawk hmapo a ding in District Magistrate, Churachandpur chun Churachandpur town area huop sungah Cr.P.C. 144 a

puong. Assembly Election zo ta le inzawma buoina suok thei dinga SP, CCPur a inthawk report dang a ni leia hi thupek hi insuo a nih tiin District Magistrate, CCPur thuok chun a hril.

Demmang Haokip a thi; ADC Chairman in an sun thu an puong

CCPUR: ADC, CCPur a kum 2010-2015 sunga Vice Chairman lo ni tah, DM Veng Lal le Leimatak MDC hlui Demmang Haokip chu zani zingkar 8:40 khan natna dang dang 9 a nei leia hun sawt tak enkawla a um hnungin a thi a, a ruong hi March 7, 2017 in vui ning a tih.

Demmang Haokip thina le inzawm hin ADCC Chairman, Langkhanpau Guite chun a sun thu a puong a, a maksan, a sung le kuo hai Pathienin thlamuogona pe ding in ditsakna an hlan.

Demmang Haokip thi sunna hin zanikhan ADC/



CCPUR Head Office, Tubibong-a chun National Flag a ngul chanve a khai a ni a, ADCC Administration hnuoia Department tin hai chu vawisuna a ruong voina programme-ah an thang vawng ding thu ADC Chairman chun a hril.

BSN/BCN, Muolvaipei in Bus thar an nei



CCPUR: Bethesda College of Nursing, Molvaiphei, CCPur chun mi 33 chu-ong theina Bus thar hlak an inchawk thar ta a, zani hmasa khan Bethesda College of Nursing, Muolvaipei campus-ah Rev. Lalneikhup Hmar in tawng-tainaa inhlanna a nei.

Bethesda College of Nursing hi a hma chun

GNM inchuktheina chun a ni a, sienkhawm tuhin B.Sc. Nursing chen in-chuk thei ta dinga recognition hmu ta a ni a, tuhin B.Sc. Course inchuk mek a nita a. Hi Nursing College a inthawk mi tam takin Nurse inchukzin sawrkar, mission le privates haiah sin an hmu tawl ta a nih.

HC in dan kalin a puong



IMPHAL: United Naga Council (UNC) in economic Blockade an thaw mek chu zanikhan Manipur High Court chun dan kal a nih tiin a puong bakah Economic Blockade thlawptuhai chungah dan anga hma la ding in Security Froce-hai an hrietir.

Nunghak saruok thlalak tarlangtu man

IMPHAL: Facebook-a nunghak saruoka um lai thlalak tarlanga sukmuol-photu Paokai Haokip (24), s/o (L) Khaihao of N. Zalenphai Village, Churachandpur chu March 5, 2017 khan a chengna ina inthawk Imphal West District Police hnuoia Cyber

phen Lamkang hai chu Court hmaah an inlang nawk a, UNC Office bearers 6 hai chu Court hmaah an lan lang naw a, March 23, 2017 a inlang dinga hun pek nawk an nih. Gaidon Kamei le Stephen Lamkang hai chu lung-nah bawh sielut nawk an nih.

Crime Unit han Mobile handset 1 le SIM Cards leh an man a, OC, IPS kutah an pek niin Cyber Crime Unit, Imphal West thuok chun a hril. Hi thil tung le inzawm hin Cyber Crime Unit, Imphal West chun case IPS U/S 354-D/506/500 IPC & 67-A IT Act an registered.

2nd phase Vote zawng theina hun a tawp

IMPHAL: 11th Manipur Legislative Assembly Election, 2017 (Second Phase) le inzawma vote zawng theina hun chu zani zantieng dar 3 khan a tawp tah. Second Phase election huna hin seats 22 haiah inthlangna nei ning a tih. Second phase election a hin nuhmei 4 thangsain candidates 98 an um a, March 8, 2017 zing dar 7 a inthawk zantieng dar 3 chen khin vote thlak thei ning a tih.

March 8, 2017 nia Assam

sembly seats 22 haia 11th Manipur Assembly Election 2nd Phase nei ding le inzawma hmun kikhawr le hlat na hmun deua duty ding Polling personnel hai chun an duty-na hmun ding an pan tawl mek a, zanikhan Tameng-long district a Tamei le Nungba A/C haia Polling duty ding han an duty-na hmun ding an pan tawl.

Chun, Chandel le Teng-noupal A/C haia polling duty ding hai khawmin zanikhan an duty-na hmun ding

an pan tawl bawh. Jiribam biela duty ding hai khawm zani hmasa khan an lo suok ta bawh. Manipur Assembly election second phase le inruol hin Uttar Pradesh Assembly election a phase tawpna tak phase 7-na Assembly seats 403 um laia seats 40 haiah inthlangna a um ve ding a nih. UP election phase 7-na seats 40 in-chuk ding hin candidates 535 an um a, hienghai lai hin nuhmei 51 an thangsua.

Governor in Mass Awareness Rally a vailiem

IMPHAL: Manipur Governor Dr Najma Heptulla chun ni 2 sung aw 21st National Conference of Breast Cancer Foundation - India neia um tawpni zani zingkar khan 'Prevent, Detect Early and Cure Cancer' ti thupui hmanga Mass Awareness Rally chu Kangla Western Gate-a inthawk a vailiem. Conference hi Manipur Oncologist Society, Imphal huoi-hawtnaa zani hmasaa tan a nih.

Rally a hin Shija Para



Medical Research Academy - Langol, Shija Academy of Nursing - Langol, DM Community College, Radio Imaging Technology (RIT), TG Higher Secondary School, RIMS Col-

lege of Nursing, JNIMS, Rotary Club of Imphal a inthawk volunteers, oncologists, radio therapists, cancer survivors le stakeholders tum tum hai an thang tawl.

US Embassy Jerusalem-a sawnna ding enfel

TEL AVIV: US President Donald Trump-in Israel-a US Embassy Tel Aviv-a um Jerusalem-a sawn a tumna le inzawmin Congressman Ron DeSantis chu thil umdan enthlithlai ding in tuhin Israel a cham mek a. Israel Prime minister Mr Benjamin Netanyahu le mi dang danghai inhmupuiin hmun pawimaw hai a sir kuol mek.

Mr DeSantis hi House Subcommittee on National Security chairman niin khawvella US embassy hai himna thila mawphurto tak a nih. "Ka khuolzinna pawimawna chu, US Congress kuomah hi thil (embassy Jerusalem-a sawn ding) hi ieng ang char am a na, a him tawk ding am ti le thil dang dang hritluo ding ka ni lei a nih" tiin Jerusalem press conference a hril.

A hril dan chun, President Trump thutiem angin, June 1 khin President Trump-in a campaign thutiem a sukpuiting (embassy sawn) naw chun, waiver a sign ngai a tih"



tiin a hril. "Waiver" hi US President po povin thla ruk dan peia an thaw hlak - 1995-a Congress-in a lo passed, embassy sawn ding ti thu, sawn a la ni el naw leia a thu passed tah "waive" na a nih.

"Israelin zalenna an hmu Jubilee kum 50 na char a nih leiin President Trump chun 'waiver' hi a sign nuom ka ring nawh. Embassy hi Jerusalem ah sawn ngei a tum ka ring" tiin a hril. Chu umzie chu Jerusalem chu Israel capital ah US-in a pawm tah tina a nih. "Trump hin embassy

chun, "sawn thei a ni chun ropui ngawt a tih" tiin a lo hril tah a. Jubilee kum takin an thaw lem chun Israel ta dinga hun pawimawtak a nih ding a nih.

Hienglai zing hin Palestine hai chun nasataka an dodal a ni leiin Embassy hi sawn a nih chun buoina lien tak a suok thei ding niin an hril a. Hi thu ha DeSantis chun hrillawk thei a nein aw thu a hril a, "Buoina a suok ding le ding naw chu ka hril thei nawh. Amiruokchu, tulaia Arab hai lungkham tak chu Iran hi a nih a. US-in Iran lien pei ding vengna dinga Arab rambung danghai a thangpui an tiem chun Jerusalem embassy thu hi chu an ta ding in hote a ni leiin an ngai pawimaw bek ka ring nawh" tiin a hril.

"US embassy sawn neka an ta dinga tum chu Iran a nih a. Arab hai le in deal ding chun huoisien le hrat a ngai a, indiktak le khau taka thil thaw a tul" tiin a hril bawh. Israel-in Jerusalem a lak vawng ta

hnunga Palestine haiin an capital anga an pawmpui thei nawna hi an buoina chu a nih a. US chun a pawmpui tina a ni ding a nih.

"Rambung capital ah naw chu US embassy kan sie ngai nawh" a tih, a umzie chu Jerusalem chu Israel capital angin a pawmpui tah tina a nih. "Jerusalem chu tienlaia inthawka khawpui pawimaw a nih a, Israel khawpui indiktak a nih ti hi thudik a nih. Israel ti lo, an capital ni loa embassy kan inthutna a la um nawh" tiin embassy sawn hin thamna tamtak a nei ding thu a hril bawh.

Palestine helpawl Fatah spokesman Ziad Khalid Abu Zayad ruok chun, US embassy Jerusalem a sawn a ni chun buoina lientak a suok ding a nih tiin a lo hril ve thung. Thusuok siemin, US Congress hin US embassy Jerusalem ah a sawn chun Mena Region (Middle East le North Africa) ah buoina lientak a suok ding a nih" tiin DeSantis inzin hma khan a lo hril.

VAWISUN THUPUI

Mani ngaia varhai le mani ngaia bengvarhai chu an chung a rik ie! Uoin dawn kawnga mi hrattak, zu chawkpaw! kawnga thahrai nei mihai chu an chung a rik ie! Thamna fak leia misuol thiem inchanngtir hlaka, mifel felna lakpek hlaktuhai chu!
- Isai 5:21-23

**Editorial
Election boruok**

Manipur Assembly seats 60 um hai laia seats 38 haiha inthlangna ei neizo ta a, tuhin Assembly seats 22 haiha inthlangna le vote tiem ei a hmabak leiin election boruok chun a mi la chengchil a, ei hrii rawn tak le titina suktantu tak a la nizing. Vote tiemzo a ni hmakhat chu election boruok hin a mi la chengchil zing ding a nih. Election hin rau a nei ve leiin anhnik le an hnik nawhai khawmin ei hrii, ei hrii el a nih. Krismas le Kum Thar boruokin a mi zim ang bawkin election boruok hin a mi zim tawl a ni deu tak. Election a an hnik zuol bik le t an neiha chun election huona an vote hmu ding awm zat hisap tawl an ta, result puong hmakhat chu sin takah an nei tawl ring a um. Election sierkawp chawknahn hin inchawktling naw nekin inchawktling anhawi lem rawp hlak. Seats 38 haiha inthlangnaa khawm kham candidates tin hai chu a tingzo naw ni chu nuom nawng an ta, an vote hmuzat ding sierkawp an chawk huna chun an lan chawktling hri tawl ring a um. A ting ding tak chu March 11, 2017 ah hriet a hung ni ding a nih.

March 4, 2017 a inthlang nghawng leiin zanikhan Churachandpur-ah pawl pakhatin darkar 10 total shut-down an puong a, hi khawm hin imani chen chu election boruok a la suklam pha ding niin anlang. Election hin rau chi khat a nei chieng a nih. Election boruok damte tein hung re pei a ta, inthluohmgang le invuokna leia lungsenha hai khawm hung re nawk el a ti. Election boruokah ei um sung ruok hin chu a ri hi re tak tak um naw nih. Amiruokchu, hung liem pei le election boruok re huna a la hung re el ding a nih.

Churachandpur town area sungah inthlangna kha a ralmuong a, kum dang nek chun election khawm a thienghlamin a zalen lem a, lawm a um. Amiruokchu, hmun kilkhawr haiha chun thi fel hiel deu a um niin an lang. A san chu inthlangthat ngen pawl an um tlat el. An ngenna hai hi thuneituhai khawmin an hung enfel pek ngei ring a um. Thi indiklo taka thaw a ni chun inthlangthat huoihawr nawk chu thaw dan phung a nih. Amiruokchu, inthlangthat a tulna san a tha tawk a tul ding a nih.

Election boruok that le that naw hin umzie inthuk tak a nei thei hlak. Hi lei hin election boruok hi a that theina dinga hma ei lak seng nuom a um. Thu indiklo le thuvuonga mei mei hai lem hi chu thedar lo chi a nih. A bikin social media hmangtuhai an fimkhuor zuol nuom a um. Thu indiklo le thu hote tea intheida thei le insuklungsen thei a hung ni hlak. Election leia ruoltha, sungkhat laina ei inhmua sakhi el hlak hi a tha naw baw. Dit a lo inang naw a ni khawma inhrietthiemtuio hram hram ding a nih. Mi hrii nazawng hi awi lo ding a nih. Mi thenkhat hi chu mi intheidana ding hrii nuom em el an nih ti hi hriet tlat ding a nih. Election hun a liem ta lem chun ei inkelna hun a liem ta anga ngai a, tosan zai re el ding a nih.

Election hun laia ei ditnaw zawng, ei lawm nawzawng ei inkhinga le ei inhnama hai khawm kha theinghil ding a nih. Uatwak tur pai anga ei paizing chun unau, ruoltha le sungkuo inkarah inremnawna a um zing el ding a nih. Lungenst thei, inhnam thei le inlawm naw thei a nih. Amiruokchu, ei Bible in a mi hrii le inchuktir ang ngeiin, lungenst unla, a suol ruok chu suol naw ro, in lungsenha chu Nisain tlapkui naw raw seh' a ti a ni kha. Election leia ei lung ei suksen zing chun a tuortu ding chu ei ni tho ei nih. Khawvela um ei la ni leiin insel inhal el chau ni loin inkhing chang khawm a um hlak ding a nih.

Inthlang rama um ei ni a. Election huna chun a nuom nuom ngir thei dinga dan umsa a ni leiin, ieng election huna khawm an khing ding chu an um hlak ding hrim a nih. Inhmelmakna lei le intheidana leia election huna hin inkhing ei ni nawh. Ram le mipui rawngbawl nuom leia election a ngir hlak ei nih. Hi lei hin election laia inkhinghai khawm intheida ding an ni nawh. Election huna ei inkhingpuihai ei theida zing chun mi puitling ei ni nawh ti hriet tlat ding a nih. Election boruok hi an nem thei ang tak le a that thei dan ding taka pal le fepui hlak ding a nih. Ei ni lai chu election boruok hi ei pal thiem ngainaw leiin inhmelma ang elin ei inen hlak.

ALL INDIA RADIO: CHURACHANDPUR PROGRAMME

Date: March 07, 2017 (Tuesday)

TRANSMISSION: FM-101.4 Megahertz

Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement & Mangal Dhvani	
5.30pm	P	PAITE Prog. Sig, Tune & Announcement Announcer: Nemauching 1) Thongzathang & party (mod) 2) Talk: Siamsin Naupangta a dia theih tuak te- Thianzagin Hangshing	CD-420 CD-1508
6.00pm	P	HMAR Prog., sig, Tune & Announcement Announcer: Lalhusang 1) J. Lalrothang & party (trad) 2) Damskung & party (trad) 3) Talk: Empowerment of women- May Rose	CD-930 CD-930 CD-375
6.30pm	P	THADOU Prog., sig, Tune & Announcement Announcer: Lumnihao 1) Blessed Hope (leader: Lamlatson) (dev)	CD-1864
7:00PM	P	Farm & Home: Hmar 1) Lawitlangpui (dev) 2) Talk: Good morality for sound society- HT Keivom	CD-843

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien @SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

ARTICLE/HEALTH & EMPLOYMENT NEWS

LEKHABU THLIRNA:

SANDAMNA ROPUI (SO GREAT SALVATION)

Ziektu: Rev Hmar Pakhmate Runremthang
Diamond Offset, Churachandpur, 2017. Phek 125. Aman Rs.100.

-Prof.Dr Lal Dena

Tukum lekhabu panga vel ka tiem suok tah a; chulaia mi hnetu tak chu Sandamna Ropui Rev HP Runremthang (hi hnung tieng chu HP ruok hmang tang ka tih) ziekt hi a nih. Tha ka ti em leiin Chanchin Tha Pangana ka ti nuom hiel. HP hi pasal tha hnama a chieng em a nih. Mizorama Hmar political movement le HSA lampui siel hmasatu laia hmat huoi tu tak a lo nih. Pasietna le pieng hmunkhat ka lo inti ve hlaka chu HP ang em hin chu Biekin chawkdor sinthawa inhlaw le thir thanaw zawng malamlin college ka kai em nawh. HP hi Pathienin ek dura inthawka la suokin, meia rangkachak rawtui angin Pathienin a rawngbawl dingan a lo incher nasa em leiin a thuhrl le a hla tawng hrim hrim hai hin an mi hne bik.

Tuta lekhabu hi bung 15-a the a nih a. A ziektupa testimony-a tanin, piengthar lo hai um dan (Eden natna symptom)-puotienga an lang dan a bat batin a tarlang a. Pieng thar lo hai chu bat nei ang, a ruoka thlaphang, chapo si, thawngtai pei lo, Pathien hlat baw siin thlamuongna thelem an nei hlak ti'n a ziekt a, inenfieng ding tha tak a nih. Bung 3-na le bung 4-naa sandamna umzie le sandamna umzie dang dang, hieng thiem inchanngtir, sukhthienghlina, intlanna, siemtharnawknala le inremnawknala ti hai hi a bat batin a hrii, a fie em em. Bung 5-ah sandamna lampui thupua hmangin Adam hmasa thiemnaw chang ei ni zie le Adam nunnung Krista thiem ei changna point 8 velin fie em em in a tarlang a. Sandamna dinga mihriemin a thaw ve dinghai ei hmu bawka.

Bung 6-ah a lekhabu hmung puttu tak sandamna ropuize – Pathien thiltaw, Pathien hmanginaa inngat, chatuon dai, leilung insieng hmaa intan, Pathien chatuon thiltum le van malsawna pop o khawm sawmsa a nizichai fie takin a ziekt a. A fie tawk a, belsa ding khawm a um nawh. Bung 7-ah sandam ei ni dan chi hni a ziekt a. Bung 8-ah sandamna hmangruo, bung 9-ah sandamna sawng thumhai – sandam tah, sandam mek le nakie tieng sandamna famkim ei la chang dinghai kawkhmuin ei um nawk a. Bung 10-ah sandamna dinga trinity sinthaw dan, bung 11-ah sandamna changtuhai ngirhmun ropuize-nau nina, roluo tu nina, Pathien in, Krista taksa le Krista mo ding ei ninahai le bung 12-ah sandamhaiin bat(thaw ding) ei ne ve hai le bung 13-ah sandamna chu zangwtuhai chauhvin an hmu hlak thuhai fie takin a hriin nawk a.

Bung 14-ah Eden hlui vs Eden thar tawi fel takin a ziekt a, tiem an hawih em em. Eden hlui (Eden huon) kha anthropologists, archaeologists le scientist-ha'n nasa takin suih hai sienkhawm, “Lalpa'n a thup ta hnung chu zangw ta lo ding a nih” ti'n a ziekt a, a hun tawk. Eden huon thar Thupuongsuo bung 22 besanin a ziekt a, dattaw a um naw hle. Bung tawp tak 15-ah “Lalpa chu Josef kuomah a um pei a”-ti hin a suktawp. Thlarau a chawm hlie hlie.

Hieng baka sandamna lampui inhrietchiengna inhrii hriet dan a um thei chung ta di'm a nih! Sun var angin a fie a. A thusep sukfietu ding le sukngthettu

dingin Bible chang le hla inmil em em hai a belsa pei lei hin, a ziektupa hi Pathien thua a hrietna inthukzie le thlarau tuipui a pal inthukzie a sukchieng zuol. Theology tienga M.Div chen lo inchuk a ni baw, Hebrew le Greek tawng, khawvela tawng nausa pawl tak khawm a lo thiamsa lei hin, a thu sut le suih dan hi an bul a, Bible thu tienga hrietna tlawm hai khawm a mi sukbgvar pha hle.

Hi lekhabu hi copy 2000 sut a nih a, zavr zo vat vat ni sien, second edition chu hieng ang hin sut ni ta sien nuom a um. Lekhabu hi sut dan tlangpui a um a, dannaranin thuhma (Foreword) pakhat le acknowledgement (ziektu thuhmahuoi) a um hlak a. Thuhma hi subject expert or ziektu'n a ditsak deuh ha'n an ziekt hlak. Ei lekhabu thlii mekah hin thuhma pathum zet a um. Sut thar nawk pha chu thuhma hmasa tak hi back cover-ah um ta sien. Backcover-a a ziektupa bio-data hi a ziektupa testimony hma taka um ta sien. An suotupa thuhma le a ziektu thuhmahuoi chauh um ta sien, an thlalakhai leh. Back cover-a a ziektupa bio-data hnuoi taka an suotupa thlalak bel nawk hi a chung a liem ni deuhin ka hmuh, an suotupa thuhmaah kha a thlalak a lo um ta baw si a. (Pu Mangcha'n mi lo ngaihiem sien). Phek tawntirah cuntents (a sunga thu um) hma charah, dedication le thlalak pahnhai kha um lem ta sien, a mawi khai lem awm deh. Bung 3 le bung 4 khi thu pakhat an ni leiin bung pakhatah siekawp ni ta sien. Bung tawp tak “Lalpa chu Josef kuomah a um pei a” ti hi a tha thlawt el; sienkhawm a lekhabu hmung le theme leh hin an tu rak naw (out of context) leiin, lekhabu dang a remchang lemnaah thang lem sien.

Rev HP hin a lekhabu phektawp taka, bibliography a sie hi a tha khawp el, author-hai hmung khawm alphabet indawt thlapin a sie a, a tha em em. Bibliography hi chi thum lai a um a. Secular tieng mit khera thlii raw khawmin, HP hin a lekhabu ziektu ding mang manga a rawn lekhabuhai a tarlang a ni leiin, Select Bibliography ti kher sien chu mawi zuol a tih. A lekhabu title khawm hi Sap tawngin “So Great Salvation” ti an chuonsa kher leiin “Sandamna Ropui” ti ringawt hi chu dattaw a um nawh a, a sei le sei met sien “Hieng Lawma Sandamna Ropui Hi” (So Great Salvation) ti ni lem sien, a mawi lem awm de! Thlarau tieng mit chauh ni lovin, academic tieng mit khawmin ei hang comment met a na, ziektu le insuotupa lungril ka lo sukna pal chun Pathien hmanga mi ngaidam dingan ka hni nghal. Ziekt le insuoa a um ta si hin chu, thil tha lem ei dit lei a nih.

Hi lekhabu hi a tawi fel a, a chieng bawka, sandamna chang dan systematic takin a tarlang a; ngaizawng lekhatawn tiem taka, tiem zo leh tiem nawn nawk pei a phu hlie hlie. Gospel camp le crusade-haia handbook/guide book-a hmang ngei chiw a nih baw. Ringtu taphawt chun “HIENG LAWMA SANDAMNA ROPUI ” (So Great Salvation) hi kumtluon chauh ni lovin, damsung thupuiin hmang lem ei tiu..

Employment news

New India Assurance Co. Limited (NIACL) hnuoiah Assistants post 984 (SC-140, ST-75, OBC-228 le Gen. -533) a ruok. Hlaw Rs. Rs. 14,435 - 40,080. Thienna Graduate from a recognised University. Hi sin apply thei ding hai chu June 30, 2016 chena kum 18-30 inkar an ni ding a nih. SC/ST/PWD/Female candidates hai ta dingin Application Fee Rs. 50/- a nih. Inhnikna neiha ta dingin thu chieng lem NIACL website: <http://newindia.co.in> ah hmu thei ning a ta, Online Application chu March 6, 2017 a inthaw March 29, 2017 chenin website fethlengin peklut thei ning a ti. Tier-I Online Examination (Preliminary Exam) chu April 22 le 23, 2017 haia nei ning a ta, Tier-II Online Examination (Main Exam) chu May 23, 2017 in nei ning a ti.

2. Airport Authority of India (AAI) hnuoia Junior Assistant (Fire Seives) Post 147 a ruok. Hlaw Rs. 12,500-28,500 a nih. SC/ST candidate hai ta dingin kum 35 mi chen han apply thei a ni a, SC/ST & Ex-servicemen hai ta dingin fee pek a tul nawh. Thu chieng lem le application form chu AAI website: www.airportsindia.org in ah hmu thei le download thei ning a ta, Application chu March 31, 2017 chenin peklut thei ning a ti.

3. Steel Authority of India Limited (SAIL), Maharatna Company hnuoiah Consultant (Neuro Surgery) Post 1 (UR); Specialist (Psychiatry) post 1, Specialist (Surgery) post 2, Sr. Medical Officer (Medicine) post 2; Medical Officer Post 4 le Jr. Staff Nurse (Trainee) Post 11 (ST-3) a ruok. Inhnikna nei han thu chienglem SAIL Website: www.sail.co.in hmu thei ning a ta, Application chu March 16, 2017 chenin peklut thei ning a ti.

Thli mut chim In-in mi 1 a delhum

KOHIMA: Nagaland sung hmun hran hrana hai thli hrat tak el inzawm zatin ni 3 sung a hrang tah a hrii a nih. Thli hrang lei chun In chim le thing tu hmum tuma hai hmu dingin a um a, electric khawm a mut siet leiin hmun thenkaha hai chun meivar an nei naw pha a nih. Pathieni zantieng dar 3:30 vel khan Mon district huom sunga mihriem chengna In pakhat thli in a mut chim a, a sunga um In neipa le a naunu Class IX inchuk lai hai chu a del a, a naunu chu a hmuna a thli nghal in, In neipa tak chu nataka hliemin hospital a enkawm mek a nih. Thli hrang lei bawkin Mokokchung town hmuna 44th Assam Rifles camp bul lai kangmei a suok a, a kawl vela chenghai thlarab takin a siem pha. Assam Rifle a fire service haiin thei-awp suo in kangmei chu tawkpawi a nei hma in an thelmit hman. Kangmei leia thi le hliem um naw hai sien khawm, rampui kilometre 3 huom sung chu hla nei der lovin a kang nam vawng.

Assam a inthawng Bang mi 30 thawn dawk tah

GUWAHATI: Nikuma BJP in Assam-ah sawrkana a chela inthawng dan loa India ram lut (illegal immigrants) 4,022 hriet an ni tah a, chungo hai laia Bangladesh mi 30 hai chau an rama thawn kir an nih. Zanita Assembly hall a congress MLA Abdul Khaleque in zawnna a siem, Parliamentary Affairs Minister Chandra Mohan Patowary in a dawna a hi thu hi a hrii a nih.

Kum 1986 a inthawng kha Assam state sungah ramdangmi phalna boa India lut 79,771 hmu an ni tah a, chungo hai laia 29,729 hai chu an rama thawn kir an nih. Assam state sunga phalna boa khawsa hai chu sawrkarin a ngaimaw hle a, hi chungthu hi sukfel ani vat theina dingin district tina DC hai chu voter lists Foreigners Tribunal a pelut seng dinga inhrietin an nih.

CBI in thamna latu mi 2 man

MUMBAI: Maharashtra a Solapur Division hmuna Chief Crew Controller of Central Railway chu pawisa a hlepruk leiin zanikhan Central Bureau of Investigation (CBI) in an man. Prevention of Corruption Act besana thubuo siem khum a na, meals coupon, gas cylinder le thil sukfaima hmangruo haia inthawkn Rs. 11 lakh Chief Crew Controller chun a fakruk a nih.

Uttar Pradesh hmuna DRM office a Trackman sinthaw khawm thamna Rs. 30,000 a lak leiin CBI in zani bawk kha an man. Trackman chun R&I lampui motor lienin a tanna ding le inzawmna thamna chu a lak a nih. Mana um panni hai hi court hmaa inlangtir an ni a, judicial custody a um phawt dinga ti an nih.

Delhi, Maharashtra le AP budget session

NEW DELHI: Delhi, Maharashtra le Arunachal Pradesh state Assembly Budget session chu zanikhan tan an nih. Delhi Budget session chu ni 5 sung aw dinga ti a na, zanita session tan hunah Lt. Governor Anil Baijal in thuhriina a nei.

Governor in minute 30 sung thu a hriina a chun, AAP sawrkarin Delhi khawpui inchnuka le hriselna tieng a ngaipawimaw thu uor taka hriin, lawmum a ti thu a hrii. State Assembly budget 2017-2018 chu hung tung ding March 8 hin Assembly hall-ah pharna nei ning a ti.

Maharashtra Governor C Vidyasagar Rao in Maharashtra state Assembly Budget session hawngna huna thu a hrii a. BMC election nei zo le BJP le Siv Sena in Mayor post inchna an nei lai ani leiin, Maharashtra budget session chu boruok a suklam hle dinga hrii a nih.

March 8 hin mayoral poll election nei ding a na, BMC election a chun BJP in seat 82 le Siv Sena in seat 84 an chang a, Siv Sena chu Mayor post hluo thei ding ngirh-muna um BJP inlang sien khawm, Maharashtra civic poll a chun BJP a hrattak thung a nih. State Assembly Budget 2017-2018 chu march 18 hin pharna nei ning a ta, budget session chu April 7 a tawp dingin ni 23 Inpui inthungna nei ning a ti.

Arunachal Pradesh a chun Chief Minister Pema Khandu thuoai BJP sawrkana hnuoia Budget session nei hmasatakna a na, zanita session hawngna nei huna Governor PB Acharya in thuhriina a nei. Budget session chu tum 8 inthung ding niin, March 15 hin session suktawp tieng a ti. State Budget 2017-2018 chu Deputy Chief Minister le Finance Minister ni baw Chawna Mein in pharna nei a ta, Deputy Speaker TN Thongdok chu Speaker puitlinga hlankai ani ta leiin, ama hmum hlutu ding Deputy Speaker Budget session sung hin thlangna nei ning a ti.

Mizoram-a motor eksiden-ah mi 4 an thi



AIZAWL: Zani zingkar khan Mizoram-ah Saiha District a chun a ruola motor pahni changsuola an eksiden leiin mi 3 in thina an tuok bakah midang 7 in hliemna an tuok. Hieng motor pahni hai hi Evangelical Church of Maraland (ECM) Assembly

a wawi 94-na Zyho khuoa hmang zo in tieng pana an kir huna tuoksiet hi an tuok a nih. Hi eksiden a thi hai chu- Zoramthanga (44), s/o Chhila; C. Rimawia (55) of Maubawc Vengthar, Zero khuo v eve hai le Rinzinga Zero khuo ve tho hai an

HSC paper leak thua college student 2 man

MUMBAI: Maharashtra State Board of Secondary and Higher Secondary Education huoihawtna a SSC le HSC Board exam fe mek a Marathi le Secretarial Practise subjects question paper hai leak le inzawmin zanikhan student pahni man

an nih. Mana um hai chu Rahul Bachchela Bhaskar (22) le Azharuddin Shaikh (20) hai an na, an pahni hin B.Com inchnuklai an nih. Exam tan hma March 2 le 4 hai khan Marathi le Secretarial Practice (SP) question paper hai pahni hi

WhatsApp group hmanga thedar an nih. Question paper leak a hriet le inruolin Board Chairman Dattatray Jagtap in police-ah complaint a thelut nghal a, police haiin WhatsApp group chu zawng suokin, chutaka inthawkin a thedaru Bhas-

kar le Shaikh hai chu an man a nih. Bhaskar le Shaikh hai chu case siem khum an na, Marathi le Secretarial Practice (SP) hai chu exam nei thar a ni naw ding niin Board chun thusuok a siem.

Nuhmei nei ding chawl a dittaw hmu naw leia RPF mani inthaw

MUMBAI: Railway Protection Force (RPF) a thang lai Dalvir Singh (23) chu a nuhmei neina ding chawl a dit tawk a hmu thei naw leiin RPF locker room, Mumbai Central Station-ah a service rifle AK-47 in ama le ama an kaphlum. Dalvir Singh chun a sung haiin a nuhmei neina dinga programme an siem

ama an kap a nih. Chair a inthung niin, a awm-ah a kap a, Jag Jeevan Ram Hospital a thlanpui ani a, san hman a ni ta naw a nih. Anup Shukla, Senior Divisional Security Commissioner, Mumbai Central chun Dalvir Singh chu chawl a hni zat char phal pek ani thu le, January 23 le 29 haia

LAKTAWI

AIIMS-in Jayalithaa medical report a peksuok



NEW DELHI: All India Institute of Medical Sciences (AIIMS), New Delhi chun Tamil Nadu Chief Minister hlui J Jayalithaa medical report zankhan Tamil Nadu sawrkar kuomah a peksuok tah. Jayalithaa a thi tawm ruoitiin AIIMS a doctor thiem hai chun tum 5 zet sirin Apollo Hospital a doctor hai an thangpui a nih.

Jayalithaa medical report chu Tamil Nadu sawrkarin a hmu le inruolin vantlang hriet thei dinga puongzama a nei nghal. September 22 a Jayalithaa Apollo hospital a admit a nia inthawk, Hospital-in khawvela inenkawlina tha tak a pek thu AIIMS doctor Dr. Radhakrishnan chun chanchinbumihai a hрил.

Hi hma khan Jayalithaa natna le inmillo damdawi pek ani leia thi nia medical report peklut anga hрил ani a, zanita AIIMS in report a pekna a ruok chun, vun tieng natna damdawi pek ani bak chu diabetes le hypertension damdawi chau pek niin a tarlang a nih.

Forest dept in Keite an man

KANNUR: Kerala a Kannur railway station laia khawsa hlak le mi 4 vel sukhliem tah, kum 7 a upa Keite chu Forest department official haiin an man. Keite chu Rêl lampui bula thingbuk laia man a na, chu lai chu mihriem chengna hmuna a nih.

Leopard chu Pathienni zan dar 8:30 PM a inthawk khan inchan tan ani a, a manna ding hin Police le Fire and Rescue Service official hai khawmin Forest department hai an thangpui a nih. An inchan sungin mihriem inlaw sukhawlii, Rêl khawm chu lai hmuna a tung pha a ri damte a intlantir a nih.

Keite mana um chu Thiruvananthapuram a Neyyar Captive Wildlife Sanctuary hmuna mi en thei dinga sie a nih.

Japan vuongna tuoksiet tuoka chuong 9 hai an thi vawng

TOKYO: Zani hmas a Japan rama Helicopter tuoksiet tuoka chuong mi 9 hai chu an rengin an thi vawng niin Fire and Disaster Management Agency thusuok chun a hрил. Hi vuongna chuong hai laia 7 hai chu Firefighters an ni a, pakhat Engineer le pakhat dang chu a khaltu (pilot) a nih. Helicopter tuoksiet tuok hi Bell Helicopter a ni a, tuoksiet a tuok nasan hriet a la ni nawn.

GOVERNMENT OF MANIPUR OFFICE OF THE RETURNING OFFICER/ DC:CHURACHANDPUR

NOTICE TO CANDIDATE OR THEIR ELECTION AGENTS REGARDING THE DATE, TIME AND PLACE FOR COUNTING

No.30 DC(CCP)/ELEC/Counting/SAE/2017/769: In pursuance of rule 51 of the Conduct of Elections Rules, 1961, I hereby give notice that I have, in accordance with the said rule, fixed the **11th day of March, 2017 (8AM)** as the date and time for the counting of votes in the **58-Churachandpur (ST) and 59- Saikot (ST) Assembly Constituencies and HALL NO.1 GROUND FLOOR, DTC HALL IN TUIBONG, CHURACHANDPUR** as the place for such counting.

(Signature)

(R SUDHAN)
Returning Officer
58-Churachandpur (ST) & 59-Saikot (ST)
Assembly Constituencies.

Modi chu a upa in a sawl tah a, UP in thalai sawrkarna a siem ding a nih: Rahul Gandhi

JAUNPUR: Zankhan Congress Vice President Rahul Gandhi in Jaunpur, Uttar Pradesh hmuna campaign rally neina ah thu a hрил a, Prime Minister Narendra Modi chu a upa in a tar ta hle a, sawl an ti tah a nih tiin a hрил a. Uttar Pradesh-ah SP-Congress Alliance in 'thalai sawrkar' a siem ding niin Rahul chun a hрил.



hi thanguina tlawmte kan pek ding a nih. Modi hi chawl siem pek met ei tih tiin ka hрил a, chawl a nei sungin lungril hadamna inneitir ei ta, Nang (Akhilesh) Chief Minister hung ni la, ama (Modi) chawl hadamna hun peng ei tih ka ti a nih" tiin Rahul chun a hрил.

"Ni 2 liemtah khan roadshow an thaw a, beisei angin a ra an hmu nawn. Zankhan roadshow a um nawn a, thalna tieng reng reng a a nei chuong nawn. Vawisun hin Modi chu ke-in a lawm tah ti ka hriet" tiin Rahul chun a hрил sa.

Modi in 'Achhe Din' a ti chu a flopped leia vant-

lang en dinga suklang thei ani nawn thu Rahul in a hрил a, tina in a sip lein ni 3 sung zet suok dawk lova Varanasi a campaign thaw niin Rahul in Modi chu an tum.

Rahul chun sawrkarna siem thei dinga an thlang lal chun UP chu khawvel hriet a hlaw pei ding thu a hрил. "Kum 5 sungin, UP a loneitu US-ah a fe chun, chu hmuna Phone hai chu UP siem a nih ti hmu thei a ta, chutaka chun 'Made in Uttar Pradesh' ti inziek a tih. Dawr a sirna taphawta khawm UP ram suok thuumhawn le hmangruo a hmu ta ding a nih" tiin Rahul chun a hрил.

Jaunpur hi 7th phase UP Assembly election a inthlangna nei ding an na, zani kha campaign hun tapwna tak ani tah. Party dang dang hai khawmin induthaw takin hmun tum tumah campaign an nei veh a, February 8 hin inthlangna chu nei ning a tih.

Destination North East 2017 Chandigarh-ah

CHANDIGARH: Northeast state hai chu India rama investment thawna dinga hmun tha tak an nih ti suklangna dinga buotsai 'Destination North East' 2017 chu Chandigarh in mikhuol a tih. Union Minister of State for Development of

North Eastern Region, Jitendra Singh in hun hawn-na nei a ta, PHD Chamber of Commerce and Industry hmalakna a programme chu hmang ding a nih.

Ni 3 sung hin round table discussion le exhibition hai nei ning a ta, Northeast

state hai chu tourism, food processing, handlooms and handicrafts, horticulture and floriculture, medicinal & aromatic plants, organic farming le bamboo development haia investment thawna dinga tha tak ani zie suklang ning a tih.

Aircraft carrier upatak INS Viraat a retire tah



MUMBAI: Khawvela aircraft hai laia upatak INS Viraat chu zani zantieng khan Mumbai hmuna send-off ceremony hmanga de-commissioned ani tah. INS Viraat chu thang thum zet liemtah a inthawka In-

dian Navy haiin an hmang tah ani a, zanita a sina inthawka inchawltira a umna chu Navy hai le a sunga sinthawtu hai lung a sukno hiela hрил a nih.

Decommissioning ceremony chu zantieng nisa tlak

tawma hmang niin, Defence Minister Manohar Parrikar le ram thuoitu hran hran hai programme a chun an thang ve. Nisa a tlak le inruolin INS Viraat a Navy flag khai para um chu hip thlak a na, chu chun INS Viraat in a sinthaw a chawlsan ta ding ti an entir a nih.

INS Viraat hming hi khawvela warship hai ta dinga sinthawtu laia upataka Guinness World Records a zieklut a nih. 1987 khan Indian Navy in a laklut tan a, chu hma chun Royal British Navy ta ding khawmin kum

26/11 Mumbai terror attack kha Pakistan terrorist hai thaw a nih: Ex-Pak NSA

NEW DELHI: Pakistan National Security Advisor hlui General Mahmud Ali Durrani chun, 26/11 Mumbai terror attack kha Pakistan thangsana terrorist hai kuthnung ani thu a hрил. New Delhi hmuna Asian Security Conference a tum 19-na hmangna a Ali Durrani chun a hрил a nih.



Ali Durrani in a hрил peina a chun, terrorist hai chu ramri kana che hlak an ni thu a hрил a, terrorist hai chetna sukbo a, hneban an ni theina dingin rambung tum hai thangruol a pawimaw thu a hрил. Ali Durrani chun Pakistan terrorist hai chetna nisien khawm, sawrkarin mi 166 hai thina ah inrawlna le mawphurna a nei nawn thu a hрил.

Conference zova chanchinbumihai in-pawlpuiina a nei hunah,

Pakistan sawrkar le ISI hai 26/11 Mumbai terror attack-ah inrawlna an nei nawn thu information tha tak a nei niin Ali Durrani chun a hрил. Mumbai a terrorist hai chetna le inzawmin sawrkar ngai theilo tawngbau tam tak a nei leia NSA a inthawka ban ani thu chanchinbumihai kuomah a hрил bawk.

India chun 2008 a Mumbai attack-tu chu Lashkar-e-Taiba hai niin a ngai a, an thuoitu Saeed chungah Pakistan sawrkar in action la dingin a phut a, Pakistan sawrkar ruok chun Saeed intuma a umna chu India in sukfie a, thiemnaw changna khawp a thil suk-suol chu a proof suklang dingin a phut thung a nih.

November, 2008 a Pakistan a inthawka terrorist 10 India hung luta an che tum khan, security personnel 18 thangin mi 166 in an thi pha a, mi tam takin hlienna an tuok bawk a nih. Pakistan a inthawka terrorist 10 hai chu tuipui zuia India ram lut an a, Mumbai khawpui hmun hran hran hai ah silai an kap kuhruot a nih.

26/11 Mumbai terror attack tuma silai kapna hmuna hai laia inlar zuol deu hai chu Chhatrapati Shivaji Terminus, Oberoi Trident, Taj Mahal Palace and Tower, Leopold Cafe, Cama Hospital le Jewish community centre hai niin, terrorist 10 hai laia 9 chu kaphlum an ni a, a hringa man Ajmal Kasab chu court in thiemnaw an changtir dungzuin November 21, 2012 khan khaihlum a nih.

Ni 2 cham dingin VP Jakarta-ah

NEW DELHI: Indonesia hmuna ni 2 sung cham dingin Vice President Hamid Ansari chu zankhan New Delhi suksanin Jakarta a pan. Vice President chu Indian Ocean Rim Association (IORA) Summit a vawi 21-na ah thang a ta, maritime trade, navigation rights le IORA a thang rambunghai inzawmna tha lem nei thei dan ding thu hai hريلna nei a tih.

Vice President Jakarta-a a cham sung hin rambung hran hrana thuoitu le think tank members hai inhmupui a tih. Tukuma summit thupui chu 'Strengthening Maritime Cooperation for a Peaceful, Stable and Prosperous Indian Ocean' ti a na, summit zo hin extremism dona chungthuah thupuong nei dinga ti niin, action plan suklangna nei ni bawk a tih.

IORA a thang rambung hai chu India, Australia, Bangladesh, Comoros, Indonesia, Iran, Kenya, Madagascar, Malaysia, Mauritius, Mozambique, Oman, Seychelles, Singapore, Somalia, South Africa, Sri Lanka, Tanzania, Thailand, the United Arab Emirates le Yemen hai an na, Dialogue Partners- US, China, Egypt, France, Germany, Japan le UK hai a nei bawk.

India le Oman in joint army training nei

SHIMLA: India le Oman haiin military a inzawmna sukhratna dinga ni 14 sung aw ding joint army training. "Al-Nagah-II 2017" tia a hming inbuk chu zankhan Bakloh belt, Himachal Pradesh a tan a nih. PRO Defence Lt. Col Manish Mehta in "Al-Nagah-II 2017" chu hawngna a nei a, joint train-

ing chu March 19 a suktawp ding a nih. India le Oman hai hin platoon khat ve ve army an inthangtir a, training chu senior military observer haiin thuong taka nei a nina dingin enkaian tiin. Oman Army hai chu Inrinni khan Adampur Air Base-ah an hung tum ta a nih.

Tuta India le Oman army haiin joint army training an nei hi a tum hnina ni tah in, 2015 khan Muscat, Oman hmuna joint training an lo nei ta a nih. Training an neina a hin counter insurgency le counter terrorism tieng awn deua thaw ning a ta, India le Oman hai inlaihina a sukh-rat pha hle dinga ngai a nih.

SBI-in charge a lak ding hai Centre in ennawn dinga hрил

NEW DELHI: April 1 a inthawka State Bank of India (SBI) in minimum balance um lo account hai charge lak dinga thusuok a siem chu central sawrkarin ennawna nei dingin a hрил. SBI chau nilovin, private bank hai thangin bank tum hai khawm charge an lak ding hai ennawn dingin centre in thurawn a pek niin

ei thu lakna chun a hрил. Chuong lai zing chun, SBI in tax lak ding le inzawmna thuthlukna a siem chu Congress in anti-poor (mi retheihai dona) niin a hрил. Zanita New Delhi hmuna Congress spokesperson Ajoy Kumar in chanchinbumihai in-pawlpuiina a neina a chun, SBI in dan thar a siem chun mirethei hai nasatakin

a sumrinum ding thu a hрил a, BJP chu mi hnuoihung le harsa hai sukrimsi dinga hmalatu niin an tum. Kum 5 veng vawng a chawlsan hnungin, SBI chun minimum balance um nawn account, ATM charge, SMS charge le service hran hrana tax lak nawk dingin thuthlukna siemin Pathienni khan thusuok a siem a nih.

Indus pact thu ah India le Pakistan in Lahore-ah inbiekna nei ding

NEW DELHI: Hung tung ding March 20 le 21 hin Lahore hmuna India le Pakistan official haiin Indus Water Treaty (IWT) chungthu le inzawmna thil pawimaw hai ngaituo dingin inbiek tlangna nei an tih. Uri terror attack leia India in Indus pact thua inbiekna chu thla 6 sung a

sukchawl tah a na, hi chungthu ngaituo tuo ding siem Permanent Indus Commission (PIC) hmalakna a meeting chu nei ding a nih. Meeting a hin India a inthawk Indus water commissioner member le Ministry of External Affairs official hai India ai-aw in thang an tih. India palai ding hai

chun Indus pact thua hрил ding pawimaw hai liemtah Zirtawpni khan an lo sukfel ta a nih. Nikum September thla khan hi chungthua inbiekna nei ani a, Prime Minister Narendra Modi chun 'tue le thisen a luong kawp thei nawn' tiin inbiekna chu a suktawppui a nih.

Pakistan le Afghan ramria helpawl hai le inbeituonaah sipai 5 le helpawl 10 an thi



ISLAMABAD: Pakistan le Afghanistan ramria Pakistan ram sung Mohamand tribal area-a border post pathum hai chu Pathienni khan Pakistan Taliban faction han an bei a, inkap-tuonaah Pakistan sipai 5 le Taliban helpawl 10, an

rengin mi 15 in thina an tuok niin military thusuok chun a hрил. Border post beitu hai chu anni pawl an ni thu Tehreek-e-Taliban a Jamaat-ur-Ahrar faction chun an puong. Thla hmasa lai khawm khan Jamaat-ur-

Ahar pawl hin thichil bomb hmangin Lahore khawpuia Police hai an lo bei ta bawk a nih. Tuta hma meta helpawl han Sind Province a Shrine pakhat an beinaa mi 120 zet in thina an tuok hnung khan Pakistan chun Afghanistan le ramri hi a khar a nih. Border post helpawl han an beina dodalnain zankhan Pakistan Foreign Office chun Afghanistan rama a senior diplomat chu a kokir bakah Afghanistan sawrkar chu terrorist hai chung a action la dingin a phut.

Mosul hmuna sipai le ISIL hai inbeituona lein mi 200,000 chuong an raltlan



BAGHDAD: Iraq sipai han Islamic State of Iraq and the Levant (ISIL) Terrorist han an awpbat Mosul khawpui lakkir nawk ngei tuma an beina lein mipui 200,000 chuong hai chu an chengna in haia um ngam lovin hmuna himna zawngin an raltlan tawl mek niin Switzerland based NGO International Organisation for Migra-

tion (IOM) chun a hрил. Iraq sipai hai chun Mosul khawpui lakkir tuma ISIL hai tukdawlna sin hi October thlaa inthawka kha an lo tan ta a nih. Iraq sipai han Mosul khawpui pumpui lakkir vawng tuma February 19, 2017 a inthawk beipi an thlaka inthawk khan ISIS fighters 70 vel an that ta niin paramilitary forces

thusuok chun a hрил a. Nasa taka hnawchep an ni ta lein ISIS thuoitu hai chun Mosul khawpui hi suksanin an tlanse tawl ta niin Iraq Federal Police Commander chun a hрил. Iraq sipai hai chun Mosul saktiengpang po chu thla khat liemtah inthawka kha ISIS hai controlnaa inthawk an lo lakkir ta a nih.

North Korea in ballistic missile 4 a kapsuok nawk

SEOUL/TOKYO: North Korea in zankhan Pyongyang air base a inthawk ballistic missile 4 a kapsuok nawk a, pathum hai chu Japan rama economic zone huom sunga tuipui-ah a tla a, 1,000 kilometre (620 miles) a hla an vuonga a nih. Ballistic missile kapsuok hi UN in a khap pek a na, zanita Pyongyang air base a inthawka North Korea in a kapsuok nawn hi khawvel do dinga insingsatna a fepui mek suklangna niin rambung thenkhat chun an hрил.



lai intermediate-range missile khawm a thang a, February thla khan Pyongyang air base a inthawk bawkin ballistic missile kapsuok ani a, North Korea ram thuoitu Kim Jong-Un chun Nuclear le Missile programme puithu tak neiin an hрил a nih. Hienga North Korea in missile a kapsuok vet hi US le South Korea in North tieng rambung hai ta dinga thalna an suo hlak suklunghuolna dinga a thaw nia hрил a nih. Japanese Prime Minister Shinzo chun, North Korea in missile a kapsuokna chu 'khawvel ta dinga chng' ani zie suklangtu niin a hрил a, zanita missile pathum hai chu Japan rambung huom sunga tla niin, Japanese official hai chun North Korea sawrkar hmalakna chu an dem thu an puong a nih. Seoul le Washington chun April chen aw din-

gin Korean Peninsula-ah military drill an nei mek a. North Korea chun military drill fe mek chu a nghawk hle a hрил a na, chu hai thawngna dinga missile chu a kapsuok nia hрил a nih. Korea People Army (KPA) a General staff chun, zanita southern drill thawngna a Pyongyang thilthaw chu hрил suok ni nawn sien khawm, a thil tawng lai chu harsa pawl tak a la nih tiin a hрил.

Nikum sung khan North Korea in nuclear ensinna tum hni a nei a, hmalakna a fepui mek a zo hunah North Korea hin US vakam chen tungin Intercontinental Ballistic Missile (ICBM) ensinna nei pal a tih ti hi rambung tam takin puonglang si lova in-lau taka titina a an hрил hlak a nih.

Kristien Han "Beauty & the Beast" Dit Lo



LOS ANGELES: Disney film thar "Beauty and the Beast" chu naupang en dinga ditumlo a ni lein insuo khap ni rawse tiin North Carolina a Billy Graham Evangelistic Association hotu Rev. Franklin Graham chun Facebook post fethlengin a ngan a. Ni khat sungin mi 80,000 chuongin an shared a, dodalna nasatakin a fe meka. Cinema hall-a insuo lo dingin an ngan a nih.

taphawt chun hi film hi an kal ka beisei. Disney hi ei ngaidan ei inhrietir reng reng ding a nih" tiin a post a. Henagar Drive-In Theatre, Alabama neitu chun, Kristien a nizie suklangnain hi movie hi insuo a tum naw thu a hril a, "Bible mi ziritirna kal thil chu pawm (insuo) thei nawng kan tih" tiin an hril.

A movie hi naupanghai en dinga tha lo a ni thu, naupanghai lungril-ah mawngkawhurna chu thil naran le khawtlangin a pawm anga ngaidan a siem ding leia an dit naw thu an hril a. Theatre hall neituhai ngei khawmin, "Kan tupa kum 11 mi le tunu kum 8 mihai enpui thei ding movie a ni naw chun kan en bikna ding san a tum nawh. Ka kawlah Pathien or Isu um ve zinga ka en thei ding movie a ni naw chun, insuo thei nawng kan tih" tiin an Facebook account ah an post ve a nih.

Selena Gomez-in Abel Nei A Nuom



LOS ANGELES: Latin nunghak American actress-singer Selena Gomez @SelGo chun a bielpa nunhngtak Abel Makkonen Tesfare @ The Weeknd chu nei a nuom thu a hril a, a bielpa touf fe mek May ah zo a ni pha innei a rawt tum niin ama hnaitu le lainatu pakhat chun Hollywood Life a hril. Selena chun Abel hi sungkuo tak tak indinpui dinga a ditak niin a hril tiin a hril bawh.



kuohai khawm a remchang chun inhmpui nghal a tum bawh niin a hril. Abel sungnai an hmupui zo pha Texas ah a sungnai kuomah Abel hi inhmelhrietir a tum bawh. "Inneina thu hril dingin a lan hma deubin a hrieta chu, hieng ang reng reng hin mi a la hmangaiin a la dit ngai nawh a. An inhrietna a la sawt nawa chu innei chen a huom tah a. Hril khawm an zak ta nawh. A ruolhai khawmin fiemthu le thutak an hriet kar nawa chu Inneina dinga inbuotsai dingin

2017 iHeartRadio Music Award Resut Puong

LOS ANGELES: Khawvela hasakthiemhai chawimawina insang tak laia pakhat iHeartRadio Music Award 2017 chu Pathienni kham The Forum, Los Angeles, California, US ah nei a nih. Award category hran hran 36 hasakthiemhai chawimawin an nih. Best Male Artist of the Year chu Justin Timberlake-in a laka. Best Female Artist of the Year chu Adele inhlán a nih. Best Song of the Year ah Justin hla "Can't Stop The Feeling" a nih a. Best Album ah Adele album "25" thlang a nih.

"Fifth Harmony" Best Fan Army Award Pek



LOS ANGELES: Nuhmei ruol ngawt band inlar em em Fifth Harmony chu an ruolnu Camila Cabello-in malzai (solo) fein suoksan sienkhawm an hlasak le lam thiemna a la danglam nawh a, an fans Harmonizers hai ngaisang khawm an la hlaw hle ti a chieng. 2017 iHeartRadio Music Award ah Best Fan Army dinga thlang an nih.



"Fight Harmony" hin an khangpui Beyhive, Lovatics, Beliebers le Rihanna Navy hai an khum a nih. Vote po po hi 39 million vel a nih a, "Fifth Harmony" hin vote an hmu tam tak a nih. Lawmman an dawng lawmthu hrlina le inzawmin, Ally Brooke chun, "Kan lawm cheu ruolhai, a mei mei in ni nawh. An hmangai cheu. Ei khawvel ah inggainatna le inhmgainai hai in siem lein kan hmangai cheu. Nangni bovin hieng

Prince Harry le Meghan Jaimaica Ah




MONTEGO BAY: British lalna Prince Harry le a bielnu Meghan Markle hai pahni chu, Harry ruolpa Tom "Skippy" Inskip le Lara Hugaes-Young hai inneina thang dingin Montego Bay, Jaimaca ah an cham mek a. Meghan chun Harry ruolhai le inhmelhrietin, an lam duna an hlim tlang hle. Harry le inskip hi Eton College-a ruoltha an lo nia, Harry "wingman" a lo nih hlak.

vantlang (public) hrieta an pahnia an inhpolangna a la ni bawh. Harry ruol dang danghai a lampui tawla an hlim hle a. Harry leh khawm hun bik an nei bawh a. Mita hmutuhai hril dan chun, Harry leh hun an hmang fal rawn hle a, an inggai em em ti sukchiengna dingin wavi iemani zat an in-kiss mawl mawl bawh niin an hril. Harry hin a ruolhai kuomah Meghan hi an hmehrietir pei a, a uongpui em em niin an lang. A hlimin an nui deuh zing a, a chang leh Meghan chu lampui dingin a fiel a, a lampui nawk a. An pahni hin an inggai hle ti hriet thei a nih, tiin miita hmutu chun a hril bawh.

ENGLISH PREMIER LEAGUE:

Tottenham chun Everton an hne hram a, Manchester City khawma Sunderland 2-0 in an hne



English Premier League Super Sunday inkhel pahni a um a, Match hmasaah Tottenham chun Everton an lo mikhuol a, an inhnetaw hle a chu Tottenham a vangnei lemah thangin 3-2 in an hrat. Minute 20 naah Harry Kane chun goal hmasa a thun a, half zo minute 56 naah Harry Kane bawh chun goal dang a thun a, Everton chun minute 81 naah Romelu Lukaku hmangin goal khat an thun ve a, minute 90 naah Dele Alli chun Tottenham ta dingin goal pakhat a thun ve a. Chu zo char minute khat khawm a liem hma'n Everton chun Enner Valencia hmangin goal pakhat an



thun sa a, anachu hun tawp chenah goal dang a lut sap ta naw lein Tottenham chun an hrat lem ta a nih. Hi dungzui hin Tottenham hi Pahnia an inhlangkai a, leader Chelsea nekin game khat inkhelrawn lemin

ve ve hmangin City chun hnena an chang. Minute 42 naah Aquero hin goal hmasa a thun a, chu hnung minute 59 naa Leroy Sane chun goal khat a thun ve nawk a, Sunderland tiengin goal an thun ve naw lein khuolralah City chun point pathum an hlaw dawk ta a nih. Inkhelna hin iengkimah Manchester City hin ro an rel hne hle a, ball possession khawm 70% tawp an nei phak a nih. An ball changrawn ngaituo chun goal an thun tlawm lem ti thei a nih. Tuhin Manchester City hi point 55 neini pathumna an ni mek a, Sunderland ruok chu a hnuoi hung takah an um mek.

Sam Querrey in Mexican Open title lak



Pathienni inkhel zoa um Mexican Open final-ah chun Sam Querrey in Rafael Nadal chu hnein Nomawi a lo dawm tah. US tlangval Querrey ta ding hin Nadal a hne hi thil inchik tlak a nih. World number 40 Querrey hin a khingpuipa hi 6-3, 7-6(3)hnein hratna a chang a nih. Grand Slam wavi 14 zet lo champion tah Nadal hi a wavi khat hnena niin, ATP World Tour singles title pakuo la tling tain, 500 level-ah a nomawi pahnia niin, kum 2010 kham Memphis Open-ah a lo champion ta bawh a nih. Spanish star Nadal hi kum 2005 le 2013 kham

Bangladesh-in Ansar-al-Islam a banned

DHAKA: Bangladesh sawrkarin a ram sunga secular activist le atheist bloggers tam tak thata um hai chu an ni thaw niin an puong a nih. Hi hmaa Bangladesh sawrkarin outlawed in a puong Ansarullah Bangla Team (ABT) pawla mi hai chu insiemrem tharin, Ansar al-Islam pawl chu an hung siem suok niin Bangladesh Home Ministry thusuok chu a hril. ABT chu May, 2015 kham atheist blogger nunrawng taka an that lein Bangladesh sawrkarin a banned a na, an thuoitu 2 man niin, thi dingin thiemnaw an changtir a nih.

Al-Islam chu an hril a, Bangladesh ram sunga secular activists le atheist bloggers tam tak thata um hai chu an ni thaw niin an puong a nih. Hi hmaa Bangladesh sawrkarin outlawed in a puong Ansarullah Bangla Team (ABT) pawla mi hai chu insiemrem tharin, Ansar al-Islam pawl chu an hung siem suok niin Bangladesh Home Ministry thusuok chu a hril. ABT chu May, 2015 kham atheist blogger nunrawng taka an that lein Bangladesh sawrkarin a banned a na, an thuoitu 2 man niin, thi dingin thiemnaw an changtir a nih.

Pakistan jail-ah India Ngamantu 85


KARACHI: Pakistan in a ram sung tuipuaiah Nga an man tia intumna leia India Ngamantu 85 vel a man hai chu zanikhan Jail-ah a thun. Hieng Ngamantu hai hi zani hmasa kha Pakistan Maritime Security Agency han Arabian tuipua Sir Creek bul laia tuipua an man a nih. Hieng Ngamantu hai hi an Lawng 14 hai le man an

nih. Pakistan le India ram hai hin kum tinin Ngamantu hai an in man pek hlak a, thenkhat chu kumkhat dam jail-a intang hnungin insuo zalenin a ram tieng an thawnk hlak a nih. Pakistan chun January 5, 2017 khawm kham India Ngamantu a man le hrientang 219 vel zet chu a lo hung inthlasuok ta a nih.


Railway Minister UAE-a inzin ding

NEW DELHI: Railway Minister Suresh Prabhu chu ni 3 sung cham dingin zanikhan UAE a pan a, Indian Railways a investment thawna ding le sukchangkang dan lampui UAE a cham sung hin ngaituong a tih. Railway Minister chun UAE sawrkar milien hai inhmpuina nei a ta, railway le inzawma rambung pahni hai hma an lak thang thei dan lampui hril thlang an tih. UAE hmuna Indian business community hai khawm Railway minister hin inpawluina nei a tih. Dubai hmuna Middle East Rail Conference neina ah Railway Minister chu thang a ta, conference chu Middle East huom sunga rail exhibition le conference lientak niin, Indian subcontinent le Central Asia a project thaw mek hai enawna nei an tih.

Andy Murray in Dubai Nomawi a dawm



Andy Murray chun a khingpui Fernando Verdasco chu straight set a hnein a wavi khatna dingin Dubai Championships nomawi chu alo chawi tah. Murray ta ding hin tu kuma a nomawi pakhatna niin, tennis an khela inthaw a ATP title 45-na a ni bawh. Inrinni zana final inkhelna kham Murray hin a bul a t an fuk naw hle a, a service game hmasa pahni hai a thlawl a, amiruokchu, world number 1 hin tulai ngirhmu-na dingin khawvela player thatak a ni zie inlangtirin darkar khat le minute 13 sungin 6-3, 6-2 in hratna a chang a nih. Britain tlangval Murray hin Verdasco laka 13-1 record neini Spain



tlangval hi wavi 13 zet a hne tah a nih. Kum 2009 Australian Open fourth round-a a hnenaw bak chu hratna a la chang zar zar a nih. Hratna a chang lei hin Murray hin \$523,330 (Rs 3,49,25,317.21) a dawng bakah Emirates ATP Rankings-ah point 500 a hmusa bawh a nih. Kum 29-a upa Murray chuan, "A wavi khatna dingin Dubai-ah hratna ka lo chang ve ta a, ka ta dingin kum bul inatna tha tak a ni zawmpet ka beisei. Ka match hnuhung pathum hai-ah duhthusamin a bul ka tan tha naw thei hle a, a harsa thei hle a nih. Chulaizing chun lungril puthmang fiena tha tak a ni ve thung," tiin a



ah hin kan khel tha naw hle a, result ditum lo tak ka lo neita hai kha tukum hin sukbo ka tum a nih," tiin a hril. Murray hin world ranking-ah a ngirhmun a suknghet tung pei a, Novak Djokovic le an karah point 2,000 zet um tain French Open hma chu a ngirhmun hi inchu tlak harsa hle ta'ng a tih. Grand Slam wavi thum zet champion tah Murray hi tuta kar sunga inkhel ding Indian Wells Masters-ah inlang sunzawm a tih. Nikum kham Indian Wells le Miami Masters hai-ah Murray hin beisei a phak naw hle a, third round-ah a tla ve ve a nih. Murray chun, "Nikum kham Indian Wells le Miami-

Table with Premier League Standings as on 6th March 2017. Columns: Pos, Team, GP, W, D, L, GF, GA, GD, PTS.